



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 24 » iyul

№ 458

Toshkent sh.

Қишлоқ хўжалиги бирлашмаларининг аъзолари, мева-сабзавот кластерлари иштирокчилари ва тадбиркорлик субъектларига маҳаллий шароитда етиширилган интенсив кўчатлар (пакана ва ярим пакана) ҳамда пайвандтагларни сотиб олиш харажатларининг бир қисмини қоплаш учун субсидия ажратиш тўғрисидаги низомни тасдиқлаш ҳақида

Ўзбекистон Республикаси Президентининг “Мева-сабзавотчилик ва узумчилик тармоғини янада ривожлантириш, соҳада қўшилган қиймат занжирини яратишга доир қўшимча чора-тадбирлар тўғрисида” 2019 йил 11 декабрдаги ПҚ-4549-сон қарори ижросини таъминлаш, шунингдек, кўчатчилик соҳасини интенсив технологиялар асосида ривожлантириш мақсадида Вазирлар Маҳкамаси қарор қиласди:

1. Куйидагиларни назарда тутувчи Қишлоқ хўжалиги бирлашмаларининг аъзолари, мева-сабзавот кластерлари иштирокчилари ва тадбиркорлик субъектларига маҳаллий шароитда етиширилган интенсив кўчатлар (пакана ва ярим пакана) ҳамда пайвандтагларни сотиб олиш харажатларининг бир қисмини қоплаш учун субсидия ажратиш тўғрисидаги низом 1-иловага мувофиқ тасдиқлансин:

маҳаллий шароитда етиширилган интенсив кўчатлар (пакана ва ярим пакана) ҳамда пайвандтагларни (кейинги ўринларда – кўчатлар ва пайвандтаглар) сотиб олиш харажатларининг бир қисмини субсидия ажратиш йўли билан қоплаб бериш тартиби;

кўчатлар ва пайвандтаглар учун субсидиянинг базавий ҳисоблаш микдорлари;

кўчатлар ва пайвандтаглар турлари (ток кўчатлари, уруғли ва данакли мевалар, ёнғоқ мевалари) бўйича коэффициентларни аниqlаш тартиби;

республикада кўчатлар ва пайвандтагларни экиш шартлари;

Қорақалпоғистон Республикаси Қишлоқ хўжалиги вазирлиги ва вилоятлар қишлоқ хўжалиги бошқармалари томонидан интенсив боғ ва токзор барпо этиш бўйича лойиҳаларнинг манзилли рўйхатларини шакллантириш тартиби;

кўчатлар ва пайвандтагларни етиштириш ва етказиб бериш мажбуриятларининг бажарилиши бўйича мониторинг олиб бориш тартиби.

2. Белгилансинки:

қишлоқ хўжалиги бирлашмаларининг аъзолари, мева-сабзавот кластерлари иштирокчилари ва тадбиркорлик субъектларига кўчатлар ва пайвандтагларни сотиб олиш харажатларининг бир қисмини қоплаш учун Ўзбекистон Республикаси Қишлоқ хўжалиги вазирлиги ҳузуридаги Боғдорчилик ва иссиқхона хўжалигини ривожлантириш агентлиги қошидаги Боғдорчилик ва иссиқхона хўжалигини ривожлантириш жамғармаси (кейинги ўринларда – Жамғарма) ҳисобидан субсидия ажратилади;

қишлоқ хўжалиги бирлашмаларининг аъзолари, мева-сабзавот кластерлари иштирокчилари ва тадбиркорлик субъектларига кўчатлар ва пайвандтагларни сотиб олиш харажатларининг бир қисмини қоплаш учун ажратиладиган маблағлардан самарали фойдаланилиши Ўзбекистон Республикаси Молия вазирлигининг Давлат молиявий назорати департаменти томонидан назорат қилинади.

3. Вазирлар Маҳкамасининг 2019 йил 11 июндаги 481-сон қарори билан тасдиқланган Ўзбекистон Республикаси Қишлоқ хўжалиги вазирлиги ҳузуридаги Боғдорчилик ва иссиқхона хўжалигини ривожлантириш агентлиги қошидаги Боғдорчилик ва иссиқхона хўжалигини ривожлантириш жамғармаси тўғрисидаги низомга 2-иловага мувофиқ ўзгартириш ва қўшимчалар киритилсин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ш.М. Фаниев ҳамда Ўзбекистон Республикаси қишлоқ хўжалиги вазири Ж.А. Ходжаев зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2021 йил “24” июлдаги 458сон қарорига
1-илова

**Қишлоқ хўжалиги бирлашмаларининг аъзолари, мева-сабзавот
кластерлари иштирокчилари ва тадбиркорлик субъектларига маҳаллий
шароитда етиштирилган интенсив кўчатлар (пакана ва ярим пакана)
ҳамда пайвандтагларни сотиб олиш харажатларининг бир қисмини
қоплаш учун субсидия ажратиш тўғрисида
НИЗОМ**

1-боб. Умумий қоидалар

1. Ушбу Низом қишлоқ хўжалиги бирлашмаларининг аъзолари, мева-сабзавот кластерлари иштирокчилари ва бошқа тадбиркорлик субъектларига маҳаллий шароитда етиштирилган интенсив кўчатлар (пакана ва ярим пакана) ҳамда пайвандтагларни (кейинги ўринларда – кўчатлар ва пайвантаглар) сотиб олиш харажатларининг бир қисмини қоплаш учун Ўзбекистон Республикаси Қишлоқ хўжалиги вазирлиги ҳузуридаги Боғдорчилик ва иссиқхона хўжалигини ривожлантириш агентлиги (кейинги ўринларда – Агентлик) қошидаги Боғдорчилик ва иссиқхона хўжалигини ривожлантириш жамғармаси (кейинги ўринларда – Жамғарма) ҳисобидан субсидия ажратиш тартибини белгилайди.

2. Ушбу Низомда қўйидаги тушунчалардан фойдаланилади:

интенсив боғ – интенсив кўчатлар (пакана ва ярим пакана) ҳамда пайвандтаглардан етиштирилган кўчатларни зич экиш схемасида ресурстежамкор агротехнологик тадбирларни амалга ошириш асосида ташкил этилган ва сув тежовчи суғориш технологиялари жорий этилган мевали боғ;

“In-vitro” лабораторияси – ўсимлик организми тўқималарини микроклонал кўпайтириш усули орқали “соғлом”, вируслардан ҳоли бўлган пайвандтаг етиштириш учун ихтисослашган, маҳсус жиҳозланган лаборатория;

кўчатчилик хўжалиги – Ўзбекистон Республикасида мева кўчатларини етиштирувчи мақомга ва кўчатчиликка ихтисослашган камида 2 гектар ер майдонига эга бўлган хўжалик юритувчи субъект;

қишлоқ хўжалиги бирлашмаси – фермер хўжаликлари, дехқон хўжаликлари ҳамда томорқа ер эгаларини, шунингдек, мева-сабзавот маҳсулотларини етиштириш ва уларни тайёрлаш, ташиб, саклаш ва сотиш бўйича фаолият олиб борувчи жисмоний ва юридик шахсларни ўз ичига олган юридик шахс;

лойиҳа ташаббускори – янги интенсив боғ ва/ёки токзор барпо этиш юзасидан субсидия олиш учун мурожаат қилган қишлоқ хўжалиги бирлашмаси аъзоси, мева-сабзавот кластери иштирокчиси ёки тадбиркорлик субъекти;

мева-сабзавот кластери – бир ёки бир неча юридик ва жисмоний шахслар томонидан битим асосида замонавий технологиялардан фойдаланган ҳолда уруғлик, мева-сабзавот маҳсулотларини етишириш, қайта ишлаш, сақлаш, тайёр маҳсулот ишлаб чиқариш ва сотиш бўйича қўшилган қиймат занжири яратиш юзасидан ҳамкорликни амалга оширишга қаратилган фаолият шакли;

пайвандтаг – “In-vitro” лабораториясида ёки вегетатив йўл билан кўпайтирилган илдиз тизимида эга бўлган ўсимлик пояси;

плантация – қишлоқ хўжалиги бирлашмаларининг ёки мева-сабзавот кластерининг аъзолари томонидан туташ худудда 10 гектардан кам бўлмаган майдонларда бир хил мева ёки узум тури экилган интенсив боғ ва/ёки токзор.

3. Субсидиялар кўчатлар ва пайвандтагларни сотиб олиш харажатларининг бир қисмини қоплаш учун берилади, данак ва уруғдан кўпайтирилган пайвандтаглар (кўчатлар) бундан мустасно.

4. Субсидиянинг базавий ҳисоблаш миқдори сотиб олинадиган кўчатлар ва пайвандтагларнинг ҳар бир донаси учун қуидаги миқдорларда белгиланади:

интенсив мева ва узум кўчати учун – 8 000 сўм;

пайвандтаг учун – 2 500 сўм.

5. Қишлоқ хўжалиги бирлашмалари аъзолари, мева-сабзавот кластерлари иштирокчилари ва бошқа тадбиркорлик субъектларига кўчатлар ва пайвандтагларни сотиб олиш харажатларининг бир қисмини қоплаш учун ҳар бир дона кўчатга бериладиган субсидия миқдори унинг базавий ҳисоблаш миқдорига мевали кўчат тури учун белгиланган коэффициентни кўпайтириш йўли билан қуидагича аниқланади:

Номланиши	Кўчат турлари бўйича коэффициентлар			
	ток кўчатлари (хўраки ва кишишибон)	уругли мевалар	данакли мевалар	ёнғоқ мевалар
Интенсив кўчатлар (пакана ва ярим пакана) ҳамда пайвандтаглар	0,15	0,50	0,75	1,00

6. Лойиха ташаббускорлари мазкур Низомга 1-иловага мувофиқ интенсив боғ ва токзорларда кўчатларни экиш шартларига риоя қилишлари лозим.

7. Маҳаллий шароитда етиширилган интенсив кўчатлар (пакана ва ярим пакана) ҳамда пайвандтагларни сотиб олиш харажатларининг бир қисми ушбу Низомга 2-иловага мувофиқ схема бўйича қоплаб берилади.

**2-боб. Маҳаллий шароитда етиштирилган интенсив кўчатлар
(пакана ва ярим пакана) ҳамда пайвандтагларни сотиб олиш
харажатларининг бир қисмини қоплаб бериш тартиби**

**1-§. Маҳаллий шароитда етиштирилган интенсив кўчатларни сотиб олиш
харажатларининг бир қисмини қоплаб бериш**

8. Қорақалпоғистон Республикаси Қишлоқ хўжалиги вазирлиги ва вилоятлар қишлоқ хўжалиги бошқармалари ҳар йили 1 ноябрга қадар плантация асосида барпо этиладиган боғ ва токзорлар учун ажратилган ёки ажратиладиган ер майдонларидан келиб чиқиб, лойиҳа ташаббускорларининг интенсив кўчатлар турлари, навлари ва микдорига бўлган талабини аниқлаш мақсадида интенсив боғ ва токзор барпо этиш бўйича лойиҳаларнинг манзилли рўйхатини мазкур Низомга 3-иловага мувофиқ шакллантиради.

9. Қорақалпоғистон Республикаси Қишлоқ хўжалиги вазирлиги ва вилоятлар қишлоқ хўжалиги бошқармалари шакллантирилган манзилли рўйхатни ўн иш кунида Агентликка тақдим этади.

10. Агентлик тақдим этилган манзилли рўйхат асосида ўн иш кунида “in-vitro” лабораториялари ва кўчатчилик хўжаликларининг маҳаллий шароитда етиштирилган интенсив кўчатлар етказиб бериш имкониятини ўрганиб, олинган маълумотларни Қорақалпоғистон Республикаси Қишлоқ хўжалиги вазирлиги ва вилоятлар қишлоқ хўжалиги бошқармалари орқали лойиҳа ташаббускорига етказади.

11. Лойиҳа ташаббускори интенсив кўчатлар сотиб олишга субсидия олиш учун Агентлик ва кўчат етказиб берувчи кўчатчилик хўжалиги ўртасида уч томонлами шартномани имзолашга Ўзбекистон Республикаси Қишлоқ хўжалиги вазирлиги ҳузуридаги Боғдорчилик ва иссиқхона хўжалигини ривожлантириш агентлиги қошидаги Боғдорчилик ва иссиқхона хўжалигини ривожлантириш жамғармаси кенгашининг (кейинги ўринларда – Кенгаш) қарорини олиш учун Агентликка қуидаги ҳужжатларни ёзма ёки электрон шаклда тақдим қиласди:

юридик шахснинг номи, солик тўловчининг идентификация рақами (СТИР), ташкилий-хукуқий шакли, жойлашган жойи (почта манзили), сўралаётган субсидиянинг мақсади, микдори, интенсив боғ ва/ёки токзор барпо этилиши режалаштирилган ер майдони, хизмат кўрсатувчи тижорат банкининг номи ва банкдаги ҳисобварағи кўрсатилган субсидия ажратиш тўғрисидаги ариза;

интенсив боғ ва/ёки токзор барпо этиш учун ер участкасига бўлган хукуқни тасдиқловчи ҳужжат нусхаси;

ушбу Низомга 4-иловага мувофиқ шаклда лойиҳа тўғрисида маълумот.

Электрон шаклда тақдим этилган ҳужжатлар электрон рақамли имзо билан тасдиқланади.

Лойиҳани молиялаштиришнинг аниқ манбалари (ўз маблағи, банк кредити, хорижий инвестиция) кўрсатилмаган аризалар кўриб чиқилмайди.

12. Агентлик тақдим этилган ҳужжатларни беш иш кунида Кенгашнинг навбатдаги йиғилишларида кўриб чиқиш учун киритади.

13. Кенгаш Агентлик томонидан лойиха ташаббускорига интенсив кўчатларни сотиб олиш учун бериладиган буюртмага аванс тўлови сифатида субсидия ажратиш ёки ажратишни рад этиш тўғрисида қарор қабул қиласди.

14. Субсидия ажратишни рад этиш учун қуидагилар асос ҳисобланади:

ложиха ташаббускори ушбу Низомнинг 11-бандида белгиланган шартларга мос келмаса;

кўчат етказиб берувчи хўжалик мевали ва узум кўчати етишириш учун кўчатчиликка ихтисослашган камида 2 гектар ер майдонига эга бўлмаса, шунингдек, кўчатчиликка ихтисослашган хўжалик бўлмаса;

ложиха ташаббускори томонидан тақдим этилган ҳужжатларда Агентлик томонидан ўтказиладиган ўрганишлар орқали ишончсиз ва нотўғри маълумотлар мавжудлиги ёки маълумотларни бузиб кўрсатиш ҳолатлари аниқланганда.

Ушбу бандда қайд этилганидан бошқа ҳолатлардан ташқари лойиха ташаббускорига субсидия ажратишни рад этишга йўл қўйилмайди.

15. Кенгашнинг субсидия ажратиш тўғрисидаги ижобий қарори Агентлик, лойиха ташаббускори ва кўчатчилик хўжалиги ўртасида субсидия ажратиш тўғрисидаги уч томонлама шартномани расмийлаштириш учун асос ҳисобланади.

Кенгашнинг йиғилишлари, заруратга кўра, бир ойда камида бир маротаба ўтказилади.

16. Агентлик Кенгаш томонидан қабул қилинган қарорлар тўғрисида лойиха ташаббускорини уч иш кун мобайнида ёзма (электрон) равища хабардор қиласди.

Лойиха ташаббускори Кенгашнинг қарори ҳакида ҳабардор қилингандан сўнг беш иш кунида Агентлик, лойиха ташаббускори ва кўчатчилик хўжалиги ўртасида интенсив кўчатлар етишириш, етказиб бериш ва субсидия ажратиб бериш бўйича уч томонлама шартнома имзоланади.

Агентлик шартнома имзолангандан сўнг Жамғарма ҳисобварағида маблағлар мавжуд бўлган тақдирда бир ой муддатда, бироқ узоги билан олти ойдан ошмаган муддатда интенсив кўчатлар етказиб бериш учун лойиха ташаббускори номидан кўчатчилик хўжалигига шартномада белгиланган микдордаги маблағларни ўтказиб беради.

Ажратилган маблағлардан бошқа мақсадларда фойдаланиш ҳолатлари аниқланган тақдирда, Агентлик молиялаштиришни тўхтатади ва маблағнинг молиялаштирилган қисмини ундириш чораларини кўради.

17. Маблағлар кўчатчилик хўжаликларининг хизмат кўрсатувчи тижорат банкларида очилган маҳсус 22626 ҳисобварақларига (ташкилотларнинг мақсадли маблағлари) ўтказилади.

18. Кўчатчилик хўжалиги лойиҳа ташаббускорига етказиб берилаётган интенсив кўчатлар учун Жамғарма томонидан молиялаштирилган маблағларни мос равишда ҳар бир кўчат нархидан чегириб қолади.

Ушбу кўчат нархидан чегирилган маблағлар лойиҳа ташаббускорига тақдим этилган субсидия деб ҳисобланади.

2-§. Маҳаллий шароитда етиштирилган пайвандтагларни сотиб олиш харажатларининг бир қисмини қоплаб бериш

19. Кўчатчилик хўжалиги маҳаллий шароитда етиштирилган пайвандтагларни сотиб олиш харажатларининг бир қисмини “in-vitro” лабораториясига субсидия ҳисобига олдиндан тўловни амалга ошириш учун Агентликка қўйидаги ҳужжатларни ёзма ёки электрон шаклда тақдим қилади:

юридик шахснинг номи, солиқ тўловчининг идентификация рақами (СТИР) ва ташкилий-хуқуқий шакли, жойлашган жойи (почта манзили), субсидия олиш мақсади, миқдори, маҳаллий шароитда интенсив кўчатлар етиштириш режалаштирилган ер майдони (контур рақами), хизмат кўрсатувчи тижорат банкининг номи ва банкдаги ҳисобварағи кўрсатилган ҳолда субсидия ажратиш тўғрисидаги ариза;

ер участкасига бўлган хуқуқни тасдиқловчи ҳужжат нусхаси (пайвандтаглар академик М.Мирзаев номидаги Боғдорчилик, узумчилик ва виночилик илмий-тадқиқот институтининг илмий-тажриба станцияларида етиштирилган ҳоллар бундан мустасно).

Электрон шаклда тақдим этилган ҳужжатлар электрон рақамли имзо билан тасдиқланади.

20. Агентлик кўчатчилик хўжалиги томонидан тақдим этилган ҳужжатларни беш иш кунида Кенгашнинг навбатдаги йиғилишларида кўриб чиқиш учун киритади.

Кенгашнинг йиғилишлари, заруратга кўра, бир ойда камида бир маротаба ўтказилади.

21. Кенгаш кўчатчилик хўжалигига “in-vitro” лабораториясидан пайвандтаглар сотиб олишга олдиндан буюртма бериш учун субсидия ажратиш ёки ажратишни рад этиш тўғрисида қарор қабул қилади.

22. Субсидия ажратишни рад этиш учун қўйидагилар асос бўлади:

ложиҳа ташаббускори ушбу Низомнинг 19-бандида белгиланган шартларга мос келмаса;

пайвандтаг етказиб берувчи кўчатчилик хўжалиги мевали ва узум кўчат етиштириш учун кўчатчиликка ихтисослашган камида 2 гектар ер майдонига эга бўлмаса, шунингдек, кўчатчиликка ихтисослашган хўжалик бўлмаса;

ложиҳа ташаббускори томонидан тақдим этилган ҳужжатларда Агентлик томонидан ўтказиладиган ўрганишлар орқали ишончсиз ва нотўғри маълумотлар мавжудлиги ёки маълумотларни бузиб кўрсатиш ҳолатлари аниқланганда.

Ушбу бандда қайд этилганидан бошқа ҳолатларда субсидия олувчига субсидия ажратишни рад этишга йўл қўйилмайди.

23. Кенгашнинг субсидия ажратиш тўғрисидаги ижобий қарори Агентлик, “in-vitro” лабораторияси ва кўчатчилик хўжалиги ўртасида субсидияни аванс тўлови сифатида тўлаб бериш тўғрисида уч томонлама шартномани расмийлаштириш учун асос ҳисобланади.

24. Агентлик Кенгаш томонидан қабул қилинган қарорлар тўғрисида кўчатчилик хўжалигини уч иш куни мобайнида ёзма (электрон) равишида хабардор қиласди.

Кўчатчилик хўжалиги Кенгашнинг қарори ҳақида ҳабардор қилингандан сўнг беш иш кунида Агентлик, “in-vitro” лабораторияси ва кўчатчилик хўжалиги ўртасида пайвандтагларни етказиб бериш ва субсидияни аванс тўлови сифатида тўлаб бериш бўйича уч томонлама шартнома имзоланади.

25. Агентлик “in-vitro” лабораторияга имзоланган уч томонлама шартнома асосида Жамғарма ҳисобрақамида маблағлар мавжуд бўлган тақдирда бир ой муддатда, бироқ узоғи билан олти ойдан ошмаган муддатда пайвандтагларни етиштириш ва етказиб бериш учун кўчатчилик хўжалиги номидан субсидияни ўтказади.

26. Субсидия маблағлари “in-vitro” лабораторияларининг хизмат кўрсатувчи тижорат банкларида очилган маҳсус 22626 ҳисобваракларига (ташкилотларнинг мақсадли маблағлари) ўтказилади.

27. “In-vitro” лабораторияси кўчатчилик хўжаликларига етказиб берилган пайвандтаглар учун Жамғарма томонидан молиялаштирилган маблағни мос равишида ҳар бир пайвандтаг нархидан чегириб қолади.

Ушбу пайвандтаг нархидан чегирилган маблағлар кўчатчилик хўжалигига тақдим этилган субсидия деб ҳисобланади.

З-боб. Маҳаллий шароитда интенсив кўчатлар (пакана ва ярим пакана) ҳамда пайвандтагларни етиштириш ва етказиб бериш мажбуриятларининг бажарилиши бўйича мониторингини олиб бориш

28. “In-vitro” лабораториялари ва кўчатчилик хўжаликлири маҳаллий шароитда интенсив кўчатлар ҳамда пайвандтаглар етказиб беришни субсидия маблағлари ажратилгандан (молиялаштирилгандан) сўнг 24 ойдан ошмаган муддатда якунланиши лозим.

29. Шартномада кўрсатилган параметрлар ўз вақтида бажарилиши таъминлаш мақсадида Агентлик, академик М.Мирзаев номидаги Боғдорчилик, узумчилик ва виночилик илмий-тадқиқот институти томонидан лойиҳа ташаббускори ёки кўчатчилик хўжалиги иштирокида ҳар чорак якуни бўйича субсидия олган кўчатчилик хўжалиги даласига ва “in-vitro” лабораториясига ташриф буюрган ҳолда мониторинг ўтказилади.

Мониторинг якунлари бўйича шартномада кўрсатилган параметрларнинг бажарилиш ҳолати ва кўчатлар етишириш стандартларга мослиги тўғрисидаги маълумотлар кўрсатилган ҳолда уч нусхада далолатнома расмийлаштирилади.

Далолатнома Агентлик, академик М.Мирзаев номидаги Боғдорчилик, узумчилик ва виночилик илмий-тадқиқот институти вакили, лойиха ташаббускори ёки кўчатчилик хўжалиги раҳбари томонидан имзоланади. Далолатнома бир нусхадан Агентлик, кўчатчилик хўжалиги ва “in-vitro” лабораториясида сақланади.

30. Мониторинг жараёнида қишлоқ хўжалиги бирлашмаларининг аъзолари, мева-сабзавот кластерлари иштирокчилари ва бошқа тадбиркорлик субъектлари, лойиха ташаббускори, кўчатчилик хўжалиги ёки “in-vitro” лабораторияси томонидан шартлари бажарилмаганлиги аниqlанган тақдирда, Агентлик ўtkазиб берилган маблағларни қайтариш юзасидан уларга ёзма равишда талабнома юборади.

Лойиха ташаббускори, кўчатчилик хўжалиги ёки “in-vitro” лабораторияси ушбу талабномани олган кундан эътиборан бир ой мобайнида олинган маблағларни Агентликнинг тегишли маҳсус шахсий ғазна ҳисобварагига қайтариши лозим.

Агар олинган маблағлар белгиланган муддатда қайтариб берилмаса, Агентлик маблағларни қайтариш бўйича белгиланган тартибда судга мурожаат қилиши мумкин. Бунда лойиханинг бажарилмаган қисмига тенг бўлган субсидия қайтарилади.

4-боб. Якунловчи қоидалар

31. “In-vitro” лабораториялари ва кўчатчилик хўжаликларининг рўйхати Ўзбекистон Республикаси Қишлоқ хўжалиги вазирлиги ва Агентликнинг расмий веб-сайтларида эълон қилинади.

32. Агентлик ҳар чорак якуни билан ажратилаётган субсидиядан фойдаланиш самарадорлигини ўрганиш, таҳлил қилиш ва таҳлил натижалари бўйича Вазирлар Маҳкамаси ва Қишлоқ хўжалиги вазирлигига ахборот киритиб боради.

33. Қишлоқ хўжалиги бирлашмаларининг аъзолари ва мева-сабзавот кластерлари иштирокчиларига кўчатлар ва пайвандтагларни сотиб олиш харажатларининг бир қисмини қоплаш учун ажратиладиган маблағлардан самарали фойдаланилиши юзасидан назорат Ўзбекистон Республикаси Молия вазирлиги Давлат молиявий назорати департаменти томонидан амалга оширилади.

34. Маҳаллий шароитда интенсив кўчатлар (пакана ва ярим пакана) ҳамда пайвандтаглар етишириб бериш учун субсидия олган “in-vitro” лабораториялари ва кўчатчилик хўжаликлари субсидиянинг мақсадли ва самарали ишлатилиши учун жавобгар ҳисобланади.

35. Ушбу Низом талблари бузилишида айбдор бўлган шахслар қонунчилик хужжатларига мувофиқ жавоб берадилар.

Қишлоқ хўжалиги бирлашмаларининг аъзолари,
мева-сабзавот кластерлари иштирокчилари ва
тадбиркорлик субъектларига маҳаллий шароитда
етиштирилган интенсив кўчатлар (пакана ва ярим
пакана) ҳамда пайвандтагларни сотиб олиш
харажатларининг бир қисмини қоплаш учун
субсидия ажратиш тўғрисида низомга

1-илова

**Республикада интенсив боғларда мевали дараҳт ва узум кўчатларини
экиш схемасининг шартлари**

Т/р	Мева тури	Кўчат экиш схемасининг зичлиги (метр)	1 гектарга экиладиган кўчатнинг энг кам микдори (дона)
1.	Олма ва нок	4x1 ёки 4x1,2	2 000
2.	Гилос, олча	5x3	660
3.	Шафтоли, ўрик ва олхўри	5x3	660
4.	Беҳи	5x3	660
5.	Бодом	6x3	550
6.	Ёнгоқ	7x6	240
7.	Писта	7x6	240
8.	Анор	5x5	400
9.	Анжир	6x5	330
10.	Унаби (чилон жийда)	6x6	280
11.	Хурмо	6x5	330
12.	Узум (хўраки ва кишишибоп)	3x2,5	1 400
13.	Зайтун	4x2,5	1 100

Қишлоқ хўжалиги бирлашмаларининг аъзолари, мева-сабзавот кластерлари иштирокчилари ва тадбиркорлик субъектларига маҳаллий шароитда етиширилган интенсив кўчатлар (пакана ва ярим пакана) ҳамда пайвандтагларни сотиб олиш харажатларининг бир қисмини қоплаш учун субсидия ажратиш тўғрисида низомга 2-илова

**Маҳаллий шароитда етиширилган интенсив кўчатлар (пакана ва ярим пакана)
ҳамда пайвандтагларни сотиб олиш харажатларининг бир қисмини қоплаш бериш
СХЕМАСИ**

Босқичлар	Субъектлар	Тадбирлар	Муддатлар
1-босқич	Қорақалпоғистон Республикаси Қишлоқ хўжалиги вазирлиги ва вилоятлар қишлоқ хўжалиги бошқармалари	Плантация асосида барпо этиладиган боғ ва токзорлар учун ажратилган ёки ажратиладиган ер майдонларидан келиб чиқиб, лойиха ташаббускорларининг интенсив кўчатлар тури, нави ва сонига бўлган талабни аниқлаш мақсадида интенсив боғ ва токзор барпо этиш бўйича лойиҳаларнинг манзилли рўйхатини шакллантиради. Шакллантирилган манзилли рўйхатни Богдорчилик ва иссиқхона хўжалигини ривожлантириш агентлигига тақдим этади.	Хар йили 1 ноябрга қадар 10 иш кунида
2-босқич	Богдорчилик ва иссиқхона хўжалигини ривожлантириш агентлиги	Тақдим этилган манзилли рўйхат асосида “in-vitro” лабораториялари ва кўчатчилик хўжаликларининг маҳаллий шароитда интенсив кўчатлар етказиб бериш имкониятини ўрганиб, олинган маълумотларни Қорақалпоғистон Республикаси Қишлоқ хўжалиги вазирлиги ва вилоятлар қишлоқ хўжалиги бошқармалари орқали лойиҳа ташаббускорларига етказади.	10 иш кунида
3-босқич	Лойиҳа ташаббускори	1. Субсидияни олиш учун зарур ҳужжатларни тайёрлайди. 2. Богдорчилик ва иссиқхона хўжалигини ривожлантириш агентлиги ҳужжатларни ёзма ёки электрон шаклда тақдим қиласди.	Ташаббус кўрсатиш тартибида
4-босқич	Богдорчилик ва иссиқхона хўжалигини ривожлантириш агентлиги	Лойиҳа ташаббускорлари томонидан субсидия олиш учун тақдим қилинадиган ҳужжатларни Богдорчилик ва иссиқхона хўжалигини ривожлантириш жамғармаси кенгашининг навбатдаги йиғилишларида кўриб чиқиш учун киритади.	5 иш кунида
5-босқич	Богдорчилик ва иссиқхона хўжалигини ривожлантириш жамғармаси кенгashi	Кенгаш томонидан қабул қилинган қарорлар тўғрисида лойиҳа ташаббускорларини ёзма (Электрон) равищаҳа хабардор қиласди.	3 иш кунида

6-боскич	Боғдорчилик ва иссиқхона хўжалигини ривожлантириш агентлиги	Лойиха ташаббускорлари кенгашнинг қарори ҳақида ҳабардор қилингандан сўнг, лойиха ташаббускори ва кўчатчилик хўжалиги ўртасида интенсив кўчатлар етишириш, етказиб бериш ва субсидия маблағларини ажратиб бериш бўйича уч томонлама шартномани имзолайди.	5 иш кунида
7-боскич	Боғдорчилик ва иссиқхона хўжалигини ривожлантириш агентлиги	Шартнома имзолангандан сўнг Агентлик интенсив кўчатлар етказиб бериш учун кўчатчилик хўжаликларига шартномада белгиланган микдордаги маблағларни ўтказиб беради. Маблағлар кўчатчилик хўжаликларининг хизмат кўрсатувчи тижорат банкларида очилган маҳсус 22626-маҳсус ҳисобварақларига ўтказилади.	Жамғарма ҳисобрақамида маблағлар мавжуд бўлган тақдирда бир ой муддатда, акс ҳолда узоги билан олти ойдан ошмаган муддатда
8-боскич	Боғдорчилик ва иссиқхона хўжалигини ривожлантириш агентлиги	Лойиха ташаббускори ёки кўчатчилик хўжалиги иштироқида субсидия олган кўчатчилик хўжалиги даласига ва “in-vitro” лабораториясига ташриф буюрган ҳолда мониторинг ўтказилади. Мониторинг якунлари бўйича шартномада кўрсатилган параметрларнинг бажарилиш ҳолати ва кўчатлар етишириш стандартларига мослиги тўғрисидаги уч нусхада далолатнома расмийлаштирилади. Мониторинг давомида шартнома шартлари бажарилмагани аниқланган тақдирда, ўтказиб берилган маблағларни қайтариш юзасидан ёзма равишда талабнома юборади.	Ҳар чорак якуни бўйича
9-боскич	Лойиха ташаббускори	Маблағларни Боғдорчилик ва иссиқхона хўжалигини ривожлантириш агентлигининг тегишли маҳсус шахсий ғазна ҳисобварағига қайтаради.	Талабномани олган кундан бир ой мобайнида

Қишлоқ хўжалиги бирлашмаларининг аъзолари, мева-сабзавот кластерлари иштирокчилари ва тадбиркорлик субъектларига маҳаллий шароитда етиширилган интенсив кўчатлар (пакана ва ярим пакана) ҳамда пайвандтагларни сотиб олиш харажатларининг бир қисмини қоплаш учун субсидия ажратиш тўғрисида низомга
3-илова

— вилоятида қишлоқ хўжалиги бирлашмаларининг аъзолари ва мева-сабзавот кластерлари иштирокчилари ва тадбиркорлик субъектлари томонидан интенсив боғ ва токзор барпо этиш бўйича лойиҳаларнинг МАНЗИЛЛИ РЎЙХАТИ

Кишлоқ хўжалиги бирлашмаларининг аъзолари,
мева-сабзавот кластерлари иштирокчилари ва
тадбиркорлик субъектларига маҳаллий шароитда
етиштирилган интенсив кўчатлар (пакана ва ярим
пакана) ҳамда пайвандтагларни сотиб олиш
харажатларининг бир қисмини қоплаш учун
субсидия ажратиш тўғрисида низомга
4-илова

**Интенсив боғ ва токзор (хўраки ва кишишбон) барпо этиш лойиҳаси тўғрисида
МАЪЛУМОТ**

1. Лойиҳа ташаббускори номи: _____ СТИР рақами: _____
2. Ажратилган умумий майдон: _____ гектар, шундан экин майдони _____ гектар.
3. Лойиҳа амалга оширилаётган жойнинг манзили ва контур рақами: _____.
4. Мевали кўчат тури ва нави, туп сони, экиш схемаси: _____.
5. Кўчатчилик хўжалигининг номи, манзили, телефон рақами.
6. Лойиҳани амалга ошириш муддати: _____ .
7. Яратиладиган иш ўрни: _____ киши.
8. Лойиҳанинг умумий қиймати — _____ млн сўм ёки _____ АҚШ доллари, шундан:

T/p	Амалга ошириладиган ишлар	Лойиҳанинг умумий қиймати (млн сўм), шундан:	Молиялаштириш манбалари, млн сўм		
			Лойиҳа ташаббускори-нинг маблағлари	Боғдорчилик ва иссиқхона хўжалигини ривожлантириш жамғармаси субсидиялари	Тижорат банклари кредитлари, бошқа манбалар хисобига
1.	Агротехник тадбирлар (жумладан, ер хайдаш, чизеллаш, ерни текислаш) амалга ошириш				
2.	Тупроққа минерал ўғитлар ва бошқа кимёвий моддалар билан ишлов бериш				
3.	Интенсив кўчат сотиб олиш ва уларни экиш				
4.	Кўчатларни экиш				
5.	Сув чиқариш учун қудуқлар ва насос станцияси қуриш				
6.	Томчилаб сугориш тизимини жорий қилиш				
7.	Бошқа харажатлар				
ЖАМИ:					

Келтирилган маълумотлар ишончли (ҳаққоний) бўлиб, лойиҳа тўлиқ ҳажмда ўз вақтида ва сифатли амалга оширилишига кафолат бераман.

Лойиҳа ташаббускори

(Ф.И.О.)

(имзо)

Вазирлар Маҳкамасининг
2021 йил “24” ИЮЛ даги 458 -сон қарорига
2-илова

**Ўзбекистон Республикаси Қишлоқ хўжалиги вазирлиги ҳузуридаги
Боғдорчилик ва иссиқхона хўжалигини ривожлантириш агентлиги
қошидаги Боғдорчилик ва иссиқхона хўжалигини ривожлантириш
жамғармаси тўғрисидаги низомга киритилаётган
ўзгартириш ва қўшимчалар**

1. 6-банд “б” кичик бандда:

тўртинчи хатбоши қўйидаги таҳрирда баён қилинсин:

“кооперацияларга бирлашган лимон етиштирувчи фермер ва дехқон хўжаликлари, қишлоқ хўжалиги корхоналари ва тадбиркорлик субъектларига янги лимонзорларни барпо этиш ва кўчатларни харид қилиш билан боғлик бўлган харажатларнинг ҳар бир гектари учун 30 миллион сўмдан ошмайдиган миқдорда”;

куйидаги мазмундаги бешинчи хатбоши қўшилсин:

“қишлоқ хўжалиги бирлашмалари аъзолари ва мева-сабзавот кластерлари иштирокчиларига маҳаллий шароитда ҳар бир интенсив (пакана ва ярим пакана) кўчат учун 8 000 сўм ҳамда пайвандтагнинг ҳар бир донаси учун 2 500 сўм миқдорида”;

бешинчи–олтинчи хатбошилар тегишлича олтинчи–еттинчи хатбошилар деб ҳисоблансин;

олтинчи хатбоши қўйидаги таҳрирда баён қилинсин:

“Агар шартномада сув тежовчи сугориш технологияларини жорий этишга, шунингдек, янги лимонзорларни барпо этиш ва интенсив кўчатларни (пакана ва ярим пакана) ҳамда пайвандтагларни харид қилиш билан боғлик сарфланган харажат мазкур кичик бандда белгиланган суммадан кам бўлган такдирда субсидия шартномада назарда тутилган суммага ажратилади”.

